

REPORTATGE : nòstre film d'animacion

D'en primièr inventèrem l'istòria amb Eric Vanz de Godoy.



Après farguèrem los personatges, los objèctes e los decòrs.



N'i aviá en papièr descopat e pegat, d'autres dessenhats al tablèu.



I aviá tanben lo pastisson magic en « polistirèn ».



Dins lo film, sèm filmats coma s'èrem d'objèctes.



Avèm fach avançar los cartabèls e las trossas « tot sols » e avèm fach sortir de personatges de las parets, del sòl o de l'estampanta...

I aviá 3 cameràs, e caduna èra religada a un ordinador.

Per capitar, cal

- un (o mai d'un) animator : lo que fa bolegar las causas.
- un realisator que ditz « moviment » (es aquí que cal bolegar las causas) puèi « estatua » (se cal arrestar de bolegar, a mai se tirar en arrièr per que nòstras mans sián pas filmadas)
- e un qu'es a l'ordinador e que ditz « imatge » quand clica per prene los imatges.



Per exemple quand lo gigant fa tombar las letras, òm l'avança un pauc, òm pren un imatge, puèi avança encara un pauc en bolegant son baston e òm pren un imatge, puèi encara un pauc, òm fa tanben bolegar una letra, e òm pren un imatge...



I aviá aquí un animator pel gigant e un autre per las letras.

Es un trabalh fòrça long !

Per far aparéisser Arcanèl dins lo tablèu o los gigants de metal sus las parets, aviám aprestat de « fasas », es dire aqueles personatges amb de talhas diferentas.



a

Pels gigants la primièra fasa èra sonque la man, la segonda èra la man e un tròç del braç, per la tresena lo braç èra mai grand ...fins que lo gigant siá en entièr.

Quand òm passa los imatges lèu (24 per segonda) l'uèlh vei un moviment.



Amb Dominique Gazaix, enregistrèrem de bruches, de paraulas e de cants.

Es Eric que faguèt lo montatge.



Era un gròs trabalh mas nos a fòrça plan agradat !



Se ne volètz saupre mai : crompatz nòstre DVD !
Dedins, i a nòstre film (5 minutas 30), lo reportatge sul film, de fotografias, lo reportatge que faguèt « Télé Miroir », e de *bonus* qu'explican cossí faguèrem.

Avís (benda anóncia) sul site de l'escòla (www.calandreta-aimatserre.org)